

եպիսկոպոսի ղեկավարութեամբ: Հեղինակը ջրում է և այն ամբաստանութիւնը, որ տպուեցաւ «Որհեւք»-ի և ուրիշ թերթերի մէջ, որպէս թէ Սուրբաս եպիսկոպոսը մի քանի կուսակից միաքաննների հետ Մակարի ընտրութիւնը հաստատել տալու նպատակով դիմել է ներքին գործոց նախարարին և կուսկածելի ցոյց տուել Մելքիսեդեկի անձնաւորութիւնը: Անձնական բացատրութիւններից և հայեացքներից դատ, որոնք նշանակութիւն ունին իբրեւ ժամանակակից անձնաւորութեան վիպութիւն, գրբի արժէքը բարձրանում է՝ որպէս պատմութեան աղբիւր՝ մէջ բերուած պաշտօնական թղթերով և նամակներով:

Գ.

ՄՈՒՐԱՅԱՆ

(† ԳՐԻԳՈՐ Տ. ՅՈՎՀԱՆՆԻՍԵԱՆ)

Հայ, առանց այն էլ վերջերս ազօտացած գեղարուեստական գրականութեան մշակների շղթայի օղակներից մէկն էլ քակուեց...

Անցեալ օգոստոս ամսի 30-ին Թիֆլիսի Միքայէլեան հիւանդանոցում, ծանր հոգեկան հիւանդութիւնից յետոյ մեռաւ հայ տաղանդաւոր վիպագիր Մուրացանը (Գրիգոր Տէր Յովհաննիսեան):

Մեր գրականութեան մէջ Մուրացանը, գրաւում է պատուաւոր տեղ իւր զեղուն ու ճոխ լեզուով, վիպասանական շնորհալի գրչով. նա և թատերագիր էր. նորա Ռուդան—ը շատ երկար հայ բեմի լինելուցն ուսերաւարի զարդն էր կազմում և կազմում է այժմ, իբրեւ պատմական—ազգային պիէսների մէջ լաւագոյնը:

Մուրացանը գրչի համեստ մշակներից էր և ունէր աներից խռոսափող, գուցէ մասամբ հէնց այդ պատճառով էլ հասարակական առաքարէզում մնում էր վարագոյրի ետեւ:

Նա գրական առաքարէզ ելաւ ու թաւանակաւ թաւանակների սկզբներին, իւր գրչի արգիւնքները ամփոփելով

գլխաւորապէս մեր պարբերական հրատարակութիւնների էջերում: Նա աշխատակցել է «Փորձ» ամսագրին, գրել է «Մեղու Հայաստանի» («Հայ բողոքականի ընտանիքը»), «Արձագանք», (բայի շատ մանր զրոյցներէր—Տիկին Փիրալեան և այլն—նաև նորա, իբրև վիպասանի գլուխ գործողը—«Մարգարետունի» վէպը), «Նոր-Դար» («Իմ կաթուղի հարսնացուն», «Անպատճառ իշխանուհի», «Խորհրդաւոր միանձնուհի», «Լուսաւորութեան կենդրոնում» և այլն) լրագրերում: Ամեն տեղ էլ Մուրացանի գրչի արգիւնքները կարգացուել են բուն հետաքրքրութեամբ: Լաւ յայտնի է, որ Նոր-Դարի այն համարները, որոնց մէջ Մուրացանի վէպը կար—ձեռքից ձեռք էր խլում ու յափշտակութեամբ կարգացում:

Բացի յիշեալներից, իւր կեանքի վերջին շրջաններում հանգուցեալ վիպասանը գրում էր «Լուսայ» («Նոյի ագռաւը», «Անդրէաս երէց» և այլն) և «Թատրոն» («Ռուզան», «Յպահանջ») հանդէսներում: Իւր միակ, բայց նշանաւոր պիէս «Ռուզան»-ը նա տպագրեց բաւականին ուշ և դորա միակ պատճառը հեղինակի բուն ձգտումն էր կատարելագործել այդ գրութեամբը: Նա մինչև տպագրուելը մեր բեմերի վերայ խաղացում էր ձեռագրով և շատ հետաքրքրական է իմանալ արդեօք ձեռագրերով այդ յաճախակի կրկնուող ներկայացումները տալիս էին նորա քրտնաջան և աղքատիկ հեղինակին գոնէ մինիմում վարձատրութիւն...

Իւր կեանքի վերջին օրերում նա էլի զբաղուած էր «Ռուզանի» մշակութեամբ, որի միջի երգերի կտորները նա խնդրել և եղանակել էր տուել մեր միակ տաղանդաւոր երաժշտագէտ հ. Կոմիտաս վարդապետին:

Ընդհանրապէս Մուրացանը մեր կեանքի խորթ զաւակներից էր և նորա կեանքը անցաւ տանջանքների բովից ու շատ ձախող հանգամանքների մէջ. նա զոհ էր և ընտանեկան դժբախտ կեանքի: Ուրիշ աւելի յարմարաւոր պայմաններում գուցէ նորա անձնաւորութիւնը դասուէր մեր այլ նշանաւոր գործիչների շարքում:

Ծննդեամբ Մուրացանը Շուշեցի էր (1854 թուին), իսկ իւր ուսումը աւարտել էր նոյն քաղաքի Հայոց թեմական հոգևոր դպրանոցում, որից անմիջապէս յետոյ մտել էր ուսուցչական փշոտ տապարէզը և ապա անցել Թիֆլիս առևտրական մի հիմնարկութեան մէջ հաշուապահական պաշտօնով։—

Թէև խղճուկ էր հայ վիպագրողի կեանքի մնացորդը, բայց դորա փոխարէն չբեղ էր նորա թաղումը, առհասարակ հայերս չբեղ թաղելու խիստ մասնագէտ ենք։

Սեպտեմբերի 7-ին թաղեցին Մուրացանին։ Սգահանդէսը կառավարում էր այդ առթիւ կազմուած մասնախումբը, Եկեղեցական առաջի արարողութիւնը կատարուեց հէնց հիւանդանոցում հանդիսադրութեամբ թեմական առաջնորդի, որ և առաջի դամբանականը խօսեց հանդուցեալի դագաղի վրայ վանքի Մայր եկեղեցում։ Թէ վանքի բակում և թէ դերեզմանատանը դագաղի վրայ խօսողներ եղան բաւականին։ Հայ հասարակութեան համարեա թէ բոլոր խաւերը մասնակցել էին թաղման օգաւոր հանդիսին թէ անձամբ և թէ ներկայացուցիչների միջոցով։ Ներկայացուցիչներ եղել են նաև շատ քաղաքներից ու հաստատութիւններից, ի թիւս որոց և Մայր Աթոռ Ճեմարանի կողմից։ Դրուել են և պատկներ, ինչպէս և արուել դրամական և այլ նուիրաբերութիւններ, ստացուել են յանձնաժողովի անուամբ և բաւականին թուով ցաւակցական հեռագրեր, ի միջի այլոց և «Արարատի» խումբագրութիւնից։ Սգահանդիսի բոլոր ընթացքում կարգի վրայ հսկել է կարգադրիչ յանձնաժողովը, որ արժանի է ի հարկէ բուռն շնորհակալութեան։—

Մուրացանը թաղուեց Թիֆլիսի Խոջիվանքի գերեզմանատանը իւր գրչակից Մերենցի և Ռաֆֆու մօտ։

Հանգիստ ոսկորներիդ բեղմնաւոր հայ գրչակիր։—

† Մ Ա Ր Կ Ո Ս Ա Ղ Ս Բ Է Գ Ե Ս Ն

Տաճկահայոց և մեզ լաւ ծանօթ դէմքերից մէկն էր Մարկոս Աղաբէգեան, որ օգոստոսին յետին չքաւորութեան մէջ կնքեց իւր մահկանացուն։